

ملحمة الوفاء والتأسيس

يا وطننا عزك ا... دوم يا عالي المقام

في نهارٍ سجله تاريخنا عبر السنين

يوم تأسيس البلاد المشرفة وسط الظلام

من ثلاث مية سنة أسس ركائزها الأمين

إقترب شهر العبادة والمحبة والصيام

يا عسى شهر العبادة بالهنا والسعد زين

بين تكبير المآذن.. والفخر والاهتمام

نحتفل في دارنا والخير فيها مستبين

ألف لك يا اللي بنى الدولة تحية واحترام

بيك عانقنا الثريا بالسيوف والجبين

دارنا دار الكرامة.. والعدل فيها استقام

بالملك سلمان وابنه.. ناصر المستضعفين

نرفع الهامة فخر.. ونردد لـ كل الأنام

شعبنا واحد.. ورهن إشارة الحق المبين

ديرة الأمجاد تبقى.. شامخة فوق الغمام

من فضل ربي علينا.. حنّ هل البيت الأمين

وفي حسا الجود الكرم بان وتجلّى بانتظام

والحسا وأميرها سعود بن طلال غالي اليمين

نخلها يحكي شموخ زان في كلّ المقام

تحت راية من بناها.. وب العهد دايم وفين

يا سعودي ارفع الرايات واصدع بالكلام

"عاشت بلادي عزيزة.. رغم كيد الحاقدين"

صاغها اللي يكتب ب دمه وفا على وسام

شاعر يفخر ب داره... والولاء ب قلبه متين